

Kata Pengalo – Ngalo Ras Momo



Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanan perpulungen Tuhan, bage pe rencana pelayanan gerejanta ku bas wari-wari si reh enda ([Ngogeken Momo](#)).

Kata Penaruh

=====

Minggu enda bengket kita ku bas Minggu Ephiphantias si perteluken. Minggu enda mabai kita ngidah kehadiran Dibata i bas doni enda arah gerejaNa. Sabab gereja eme dalam Dibata ncidahkan keleng ateNa nandangi doni enda. Gerejanta labo terjeng gedung ingan pulung-pulung si sikap jadi tatapen, tapi sada ingan si Badia, ingan mpepaguhi kiniersadanta ras Dibata dengen temanta manusia, gelah reh paguhna kita ngalaken si mehuli i bas kegeluhen enda. Mari dage sipersikap ukurta ersembah man Dibata si mada gereja.

Erkata Lonceng

(Perp. Tedis)

Rende

KEE No. 313 : 1, 2

(Serayan Kebaktin Bengket Ku Mimbar)

Kebaktin Minggu, 26 Januari 2025
Minggu Epiphany III/Dibata Mpetandaken DiriNa

3	Votum – Salam <i>(Perp. Tedis)</i>
L	Kebaktin enda ibenaken i bas gelar Dibata Bapa si mada gereja, i bas gelar Jesus Kristus Takal perpulungen, ras i bas gelar Kesah Si Badia si mpengasup kita guna ngidah kemulian Dibata. Perkuah ate ras dame i bas Dibata Bapa, ras i bas Tuhan Jesus Kristus nari, i bas kerembaken Kesah Si Badia, ras kita kerina gelah, Amin.
P	Amin Amin Amin <i>(iendeken)</i>
4	Berita Kerna Perbahanen Ras Sura-Sura Dibata (Invocatio)
L	“Tapi sekalak-sekalak kita arus mperdiateken temanta manusia janah ngukuri kai si mereken kiniulin man bana gelah alu bage erteguhna kinitekenna” (Roma 15 : 2). Erpalasken Kata Dibata enda, sipuji Dibata alu radu ras kita ngendeken : KEE No. 6 : 1, 2, 3
5	Pujin Man Kemulian Dibata <i>(Perp. Kundul)</i>
L	Tuhan Dibata encidahken keleng ateNa erkelang-kelangken persadan anak-anakNa, eme gereja secara institusi, bagepe gereja secara pribadi. Tep-tep Dibata encidahken diriNa, atena gelah tetap terjaga dengen reh ulina kegeluhen kerina tinepaNa.
P	Bujur Tuhan i bas keleng ateNdu, Kam enggo reh kutengah-tengah kami, gelah terjaga kiniulin dengen kemalemen ate i bas kegeluhen kami. Amin.
L	Sipuji Tuhan alu ras kita rende arah : KEE No. 310 : 1, 2
6	Kinata Kegeluhen Manusia i Bas Nimai Kerehen Dibata
L	Adi siperdiateken kecibal kegeluhenta selaku gereja, si inget nge maka gerejanta GBKP eme tanda kehadiran Dibata i tengah-tengah doni enda? Kuga nge ketutusenta i bas engkelengi gerejanta, rikut makeken dirinta selaku gereja i tengah-tengah masyarakatta? i bas paksa teneng, marilah sigejapken salah lepakta

	<p>i adap-adapen Dibata.</p> <p style="text-align: center;"><i>(Paksa Teneng)</i></p> <p>L kita kap surat Kristus, si la itulis alu tinta, tapi alu Kesah Dibata si nggeluh. Adi siperdiateken kecibal kegeluhenta secara pribadi, si inget nge maka dirinta eme gereja ingan Dibata reh engkelengi keluarga ras masyarakat? Kuga nge ketutusenta i bas makeken dirinta selaku gereja i tenggah-tenggah keluarga ras masyarakata?</p> <p style="text-align: center;"><i>(Paksa Teneng)</i></p> <p>L Mari dage siakuken dosa-dosanta man Dibata, alu ngendeken : KEE No. 417 : 1, 2</p>
7	<p>Berita Pengalami Dosa <i>(Perp. Tedis)</i></p>
L	<p>Dengkehken dage Kata Dibata kerna pengalami dosa, man banta singgejab dengen ngakuken dosa-dosanta. Selaku persuruhan Dibata, aku nehken KataNa man banta kerina si enggo ngakuken dosa-dosanta. Nina Tuhan :</p> <p><i>“Nai mate pertendinndu erkiteken dosa-dosandu, dengen erkiteken kam la ngikutken perintah-perintah Dibata. Tapi genduari enggo ipegeluh Dibata kam ras Kristus, kerina dosa-dosandu enggo ialemi Dibata” (Kolose 2 : 13).</i></p> <p>Meriah ukurta i bas kita enggo ngaloken padanNa, emaka rende kita : KEE No. 92 : 1, 2, 3</p>
8	<p>Kata Dibata <i>(Perp. Kundul)</i></p>
a	<p>Marilah sibegiken Kata Dibata si man ogenken ibas Minggu enda sini ibuat ibas Kitab Masmur 132 : 13 - 18. Mari siogeken secara pegancih. Sibenaken pengogenta</p>
132:13 L	<p>TUHAN enggo milih Sion, ibahanNa ateNa e man inganNa.</p>
132:14 P	<p>Nina, “I jenda me Aku tading rasa lalap, i jenda nari Aku jadi raja.</p>

132:15 L	Kai si iperluken Sion, Kubereken alu simpar, kalak si musilna Kubesuri alu pangan.
132:16 P	Imam-imam Kupasu-pasu i bas kerina pendahinna, dengen rayatna rende janah ersurak-surak meriah.
132:17 L	I jenda Kujadikan sekalak raja mbelin i bas kesusuren Daud nari, Aku erbahanca maka kinirajan raja pilihanKu tetap nteguh.
132:18 P	Kerajanna paguh, dengen ermulia tapi imbang-imbangna mela akapna Kubahan.”
	<p>Ketuahen kalak si megiken Kata Dibata, dengen si makekenca ibas geluhna si teptep wari. Haleluya.</p> <p>Ialoi perpulungen alu ngendeken :</p> <p><i>Haleluya</i></p> <p><i>Haleluya</i></p> <p><i>Haleluya</i></p>

b	Ertoto guna Khotbah
c	Khotbah : 1 Korinti 7 : 17 - 24. Tema : Nggeluhken Geluh Bagi Itentukan Tuhan
d	Ertoto kenca khotbah
9	Pengakun Kiniteken Nicea-Konstantinopel <i>(Perp. Tedis)</i>
	<p>Marilah siakuken kinitekenta rikutken Pengakun Kiniteken Nicea Konstantinopel, nintalah sekalak-sekalak :</p> <p>Aku tek man sada Dibata, Bapa si la ersibar kuasaNa, si nepa langit ras doni, kerina si teridah ras si la teridah.</p> <p>Aku tek sada Tuhan, Yesus Kristus. Anak Dibata si Tonggal si tubuh i dur Bapa nari, sope lit krina zaman, Dibata si lit ibas Dibata nari, terang ibas terang nari, Dibata situhu-tuhu si ibas Dibata situhu-tuhu nari, si ipetubuh labo ijadiken, seri biakna ras Bapa si enggo nusur i surga nari guna kita manusia ras guna keselamatenta, janah jadi daging erkiteken Kesah si Badia arah singuda-nguda si Maria, janah jadi manusia, siipakuken ku kayu persilang man gunanta, sangana pemerintahen Pontius Pilatus, ngenanami kiniseran seh mate, janah ikuburken, keke ibas wari si peteluken sue ras isi Pustaka si Badia, nangkih ku surga, kundul arah kemuhen Bapa, janah reh me IA pagi alu kemulian lako ngeranaken si nggeluh ras si enggo mate, janah kerajanNa la ermasap-masap.</p> <p>Aku tek man Kesah si Badia si jadi Tuhan janah sipegeluhken, si reh ibas Bapa ras Anak nari, si raduken Bapa ras Anak e isembah dengen imuliaken, si enggo ngerana erkelang-kelangken nabi-nabi.</p> <p>Aku tek lit sada Gereja si Badia ras Am ras rasuli.</p> <p>Amin.</p>
10	Persembahen <i>(Perp. Kundul)</i>
L	<p>I bas keriahen ukurta perban kerembakenta ras Dibata, mari siendesken persembahen pengataken bujurta man Dibata. Kata Dibata si jadi palasta guna ersembah e me :</p> <p><i>“O senina-seninangku, nginget perkuah ate Dibata si mbelin si isehkenNa man banta, kupindo man bandu: Endeskenlah kulandu man Dibata saja selaku persembahen si nggeluh rikutken si ngena ateNa. Sabap bage me arusna kam ersembah man Dibata sue ras</i></p>

	<p><i>biakndu selaku mahluk si rukur” (Roma 12 : 1).</i></p> <p>Tupung ngendesken persembahen rende kita i bas : KEE No. 289 : 1, 2, 3</p> <p>Pertoton Persembahen ras Syafaat</p>
11	Lakon Persadan Si Badia
12	Pengakun Kiniteken <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p> <p>KEE No. 207 : 1, 2 <i>(LPS)</i></p> <p>KEE No. 315 : 1, 2, 3, 4, 5 <i>(Persembahen ku lebe)</i></p>
13	Perpadanen Man Dibata <i>(Perp. Tedis)</i>
L	<p>Kam kap surat Kristus, si la itulis alu tinta, tapi alu Kesah Dibata si nggeluh. Adi siperdiateken kecibal kegeluhenta secara pribadi, si inget nge maka dirinta eme gereja ingan Dibata reh engkelengi keluarga ras masyarakat? Nggit nge kam makeken dirindu maba pusuh ras keleng ate Dibata ku bas keluarga ras sekelewetndu</p>
P	<p>Erpadan aku Tuhan, kukelengi me gerejaNdu, dengen persikap me diringku selaku rumah pertotonNdu. Gelah gerejaNdu ras diringku jadi pasu-pasu man sekelewetku.</p>

L	Guna mpeteguhi perpadanendu man Dibata, rende kita i bas : KEE No. 492 : 1, 2
14	Pertoton Tuhan
15	Pengutusan Ras Pasu-Pasu Dibata
L	Guna pengasup kam jadi kula ni Kristus, selaku gereja si nggelu simaba ketenangan, kedamen, keadilan ras kemalemen ate ku tengah-tengahndu, alokenlah pasu-pasu idur Dibata nari : <i>“Ipasu-pasu janah ikawali Dibata kam, siang ayo Dibata ersinalsal ibabondu janah melias ateNa ngenehen kam ibahanNa. Itatap Dibata ku kam, janah malem atendu ibahaNa”. Amin.</i>
	Ialoi perpulungen alu ngendeken : A..min A....min Amin
	<i>SELAMAT HARI MINGGU/SYALOOM.....</i>